



Møtebok Hardanger og Voss Ungdomsråd (HU) 23.04.25 Eidfjord

Tilstades representantar

Kvam herad	Ungdomsrådsleiar Hallvard Valland
Kvam herad	Ungdomsrådsnestleiar Alexander Nitter-leiar
Ullensvang kommune	Ungdomsrådsleiar Najma Abdi Jama-digitalt
Ullensvang kommune	Ungdomsrådsnestleiar Isak Bayati -digitalt
Ulvik herad	Ungdomsrådsmedlem Mohammed Alhamid
Ulvik herad	Ungdomsrådsmedlem Mads Bakkan Ådland
Eidfjord kommune	Ungdomsrådsnestleiar Eivind Bu

Ikkje tilstades representantar

Eidfjord kommune	Ungdomsrådsleiar Anders Myklatun Hole
Voss herad	Ungdomsrådsleiar Håkon Skjoldli-nestleiar
Voss herad	Ungdomsrådsnestleiar Øyunn Finne Marø

Kontaktpersonar

Eidfjord kommune	Timo Knoch Ordførar og Rådsordførar i Hardanger
Kvam herad	Johanne Neteland
Ulvik herad	Tor Schei Hellesnes
Voss herad	Eivind Lorentsen Djønne-digitalt
Hardangerrådet iks	Trude Lægreid Rinaldo

SAKLISTE:

HU-sak 11/25

Evalueringskonferansen 2025 i Kvam

Kort oppsummert så er ungdomsrådsrepresentantane veldig godt fornøgd med Opplæringskonferansen 2025 og ville ikkje gjort noko annaleis.

HU-sak 12/25

Dei 3 viktigste sakene å arbeida vidare med

1. Busstilbodet i Hardanger og Voss for ungdomar

Hardanger og Voss ungdomsråd tek denne saka vidare og vil be om å få møte med Skyss. Dette krev førebuing i kvart råd, som vert bedne om å diskutera grundig og koma opp med forslag til neste møte i HU.

Merk at Skyss har vore tydelege på at det ikkje er aktuelt med nye ruter. Det handlar eventuelt om å flytta på eksisterande ruter og tilpassa tidene.

Men det kan vera lurt å søkja om LTU-midlar (lokaltransport for ungdom) frå fylket, som kan gå til konkrete turar etter behov, f.eks "taxitilbud" for å koma seg heim etter fritidsklubb i sentrum. Dei har vist at dei er ganske fleksible.

Ei politisk sak kan vera å arbeida for å auka potten til LTU.

[Her finn de informasjon om LTU](#)

Leiar Hu og sekretær drøftar forslag til uttale.

2. Vegsikring og samferdsel

Kva kan ungdomane gjera for å få betre vegar?

Korleis?

F.eks Håkon Skjoldli, nestleiar i HU/Leiar i Voss ungdomsråd, deltok på vegkonferansen K5 denne dagen. Det er ein god måte å skaffa seg kunnskap på.

Rådet syns at dei skal arbeida for å få betre vedlikehald av vegnettet i regionen vår.

Kva svar får ein om spørsmålet er: Kan me reisa trygt på vegnettet i Hardanger?

Nesten alle våre vegar er meir eller mindre rasutsatt. Alle politikarar er opptekne av samferdsel og gjer det dei kan for å påverka.

Veg og samferdsel er viktig, ungdomsrådet vil vera med å arbeida for trygge vegar.

Viktigt at alle i regionen samlar seg om prioriteringar.

HU vil skriva ein uttale til Hardangerrådet for å setja samferdsel på dagsorden.

Ulvik sender inn forslag til fylkeskommunen om trafikkisikringstiltak.

Kanskje HU også skulle det? [Her finn du informasjon og skjema](#)

3. Mensprodukt

Dette er gratis og tilgjengeleg på alle vidaregåande skular. Ungdomsrådet vil arbeida for at også dette skal vera tilbuddt på alle ungdomsskular. I Hardanger og Voss har nokon skular det allerede med god funksjon, nokon skular har prøvd men det fungera ikkje, andre har ikkje tilbodet.

• Andre saker det er interessant å arbeida vidare med er:

Linjer ved dei vidaregåande skulane i Hardanger og Voss

- Det er ikkje bra at ein del skular kun tilbyr vg1 i enkelte fag, dvs dei må byta skule for vg2.

Hardanger, Voss og Kvinnherad har i dag eit felles rekrutteringsprosjekt. Dei vil me invitera til neste rådsmøte.

Tilbudet i lokal vgs påverkar rekruttering. Kva har dette å bety for framtida i Hardanger?

Me har kompetanseforum Hardanger Voss, som også skal melda tilbake til fylket kva behov ein ser for neste år og framover. I dette forumet sit næringsliv, rektorane på alle vgs i

Hardanger og Voss, opplæringskontora, rådsordførar, næringssjefar m fl.

HU kan bli invitert inn i dette forumet.

Prosjektet som arbeider "Arbeidsstad der du vil" ønskjer også å formidla kunnskap til ungdom i regionen via rådgeving og faget utdanningsval. Framtida vil også endra seg med tanke på kor ein bur i forhold til arbeidsplassen sin. Mange vil ikkje flytta til byen, men bu i distriktet og arbeid i byen via fjernarbeidsplassar

HU-sak 13/25**Nytt frå kvart ungdomsråd****Eidfjord:**

Skal ha møte neste mandag, ikkje noko nytt i dag.

Ulvik:

Ikkje noko nytt sidan sist. Dei arbeider fortsatt for oppgradering av fotballbanen.

Til info: Kan kontakta Bjørg Larsen i VLKF om informasjon og investeringstilskot i forbindelse med idrettsanlegg.

Ullensvang:

Skal ha møte i morgon.

Kvam:

I saka om lekesfriskule har dei no gjennomført ei undersøkjing der dei har fått tydeleg svar på at det er ønskje om å endra leksestruktur.

Frå skuleleiing får dei tilbakemelding at ikkje alle lekser skal vekk, men det vert endringar.

HU-sak 14/25**Orienteringssaker/Ymse**

- **Nasjonal ungdomskonferanse i Kvam hausten 2025**

Ikkje noko nytt sidan sist, men invitasjonane er snart klare.

Alle ungdomsråda vert inviterte til Øystese 21.-23.09.2025

- **Framtidige Hardanger og Voss ungdomsrådsmøter**

Leiar spør om kor ein skal møtast, og kva tidspunkt på dagen.

Svar: Rådet vil helst ha fysiske møter, og veksla mellom heildagsmøter og kortare på ettermiddag.

Neste møte skal vera i Granvin tidleg i juni 2025, med avslutning.

Eidfjord 23.04.2025

Alexander Nitter
Leiar Hardanger og Voss ungdomsråd

Trude Læg Reid Rinaldo, Leiar
Sekretær